



DE KRACHT VAN LOKAAL!

In Deutekem, Gaanderen en Wehl wodt deur de inwonners hard ewarkt. Veur 'n baas, as zelfstandeg ondernemmer, as warkzeukenden, as mantelzorger, as vri-jwilliger, as leerling op schole, as huusvader of huusmoder, as oppasgrotolders, as steunpilaar, of as chronisch zeken den dageleks weer 't gevecht an mot met ne zeekte of beparking. 't CDA is d'r veur alle leu dee veuruut wilt. Wi-j wilt dat de aoverheid d'r is veur de inwonners en ondernemmers.

Met mekare veur Deutekem, Gaanderen en Wehl

Wi-j laeft hier in den Achterhook met onze eigen kansen, uitdagingen en oplossingen. Volgens uns wodt d'r deur sommege parti-jen te vake problemen en oplossingen op-ehaald uut De Randstad. CDA Deutekem hef dankzi-j oewe stemme de afgelopen jaeren völle können bereiken. 't Wark is nog neet af. Wi-j bunt an 't bouwen én blijft an 't bouwen....Letterlek en figuurlek!

Bouwen, bouwen, bouwen

Wi-j mot nog meer snelheid maken met de woningbouw in Deutekem, maor zéker ok in Wehl en Gaanderen. Betaalbaore starterswoningen, deurstreamwoningen en wonningen veur oldern hebt absolute prioriteit. Daormet wille wi-j veur jong en old ne woning beschikbaar hebben in eigen darp of stad.



STANDPUNTEN:

- Wi-j gaot bouwen, bouwen en bouwen.
- Wi-j staot pal achter onze boern in disse onzekere tieden.
- D'r mot meer geld kommen veur activiteiten in de wicken en darpn.
- Verbaetern onderhoud waege en openbaor greun.
- Ondersteunen van het MKB & verenigingen, ok nao de coronacrisis.





DE ZWIEGENDE MEERDERHEID

't Gesprek wodt steeds vaker evoerd deur leu met schreeuwende standpunten op links en rechts. Dit terwiel d'r ne grote zwiegende meerderheid is den hierdeur allengs minder wodt eheurd en waor minder raekening met wodt ehollen. 't CDA Deutekem luustert juist naor dee hardwarkende goodwillende, zwiegende meerderheid en gef ze ne stemme.

Wi-j mot d'r waezen veur álle inwonners

Deutekem is ne sociale gemeente. Dat mot ok zeker zo blieden! De gemeente mot d'r echter ok waezen veur de 80% van onze inwonners dee neet afhankelik bunt van gemeenteleke ondersteuning. Ok daor blieve wi-j uns de kommende periode extra hard veur maken. Daornaost wil 't CDA minder marktwerking en meer samenwerking in de zorg.

De laefumgaeving is d'r veur de inwonners en neet veur de plannenmakers. Wi-j investeert in 'n fijne veilege won-umgaeving met good onderhollen greun.

't CDA-team is eworteld in onze darpen en wieken en wet wat d'r spölt deurda'w actief onderdeel utmaakt van onze verenegingen, sportclubs en culturele organisaties.



DIT HE'W BEREIKT DE AFGELOPEN VEER JAOR!

- Ni-jbouwprojecten deur laoten lopen en plannen emaaft veur nog is 1500 nije wonningen
- Ni-jbouwplannen van 't zekenhuus en Van der Valk möggelek emaaft.
- Verni-jing Terborgseweg en verdubbeling Europaweg inclusief ni-je natuur.
- Opwaardering van sportpark De Bezelhorst deur de anleg van twee kunstgrösvelden.
- Verbod op lachgas binnen onze gemeente en minimale laeftied sekswarkers van 18 naor 21 jaor.
- Schuldhulpverlening dichterbij de inwoner ebrach deur dure bemiddelingspersonen te vervangen deur betrokken ambtenaarn.



HIER ZETTE WI-J UNS DE KOMMENDE VEER JAOR VEUR IN!

- Gin bezunegingen op verkeer. D'r mot juist meer geld kommen veur onze waege, fiets- en wandelpae.
- Meer wonningen. De inwonners van onze gemeente mot in eur eigen darp of stad können blieden wonnen. Wi-j bunt an 't bouwen én blijft bouwen veur jong en old!
- Minder marktwerking in de zorg, maor juist meer samenwerking.
- 't CDA wil sport, cultuur en wiekwark van de gemeente nog naodrukkeleker met mekare verbinnen. Waor möggelek ok budgettair (bi-jveurbeeld dagbestaeding).
- De butenruimte is d'r veur de inwonners en neet veur de plannenmakers. De wensen van buurtbewonners wodt betrokken bi-j ni-je plannen as 't geet um de openbaore ruimte.
- Onze boern mot d'r op können vertrouwen dat d'r genug ruimte en middeln bunt umme vanuut eigen vakmanschap en innovatiekrach eur bedrief de toekomst in te leiden.
- Wi-j wilt dat de kommende 4 jaor zonne op dak meer andach krig. Landbouwgronden en natuurgebieden wodt zovöl möggelek ontzeen met behulp van de zunneladder. Energieopwekking op eigen arf mot dan bi-jveurbeeld wal können.